



from the office of the Diocese of the Armenian Church of America

NEWS:

Հրատարակութեան խնդրանքով

ԵՐԿՈՒ ՀՆԱՏԻՊ ԳԻՐՔԵՐ ՆՈՒԻՐՈՒԱԾ Ս. ՎԱՐԴԱՆ
ՄԱՅՐ ՏԱՃԱՐԻ ԹԱՆԳԱՐԱՆԻՆ

Տիկին Արտեմիս Գարակէօզեան հետեւեալ երկու հնատիպ գիրքերը նուիրած է Ս. Վարդան Մայր Տաճարի Թանգարանին.

- ``Աղօթագիրքը Ըստ ժամակարգութեան Հայաստանեայց Եկեղեցւոյ`` հատորը, որ տպուած է 1891 թուականին Կոստանդնուպոլսոյ մէջ, կազմուած ոսկեգօծ կրիայի պատեանով, ուր արձանագրուած է Տիկին Գարակէօզեանի մօր անունը՝ ԱՐԱՔՍ.

- ``Գիրք Սաղմոսաց Դաւթի`` հատորը, որ տպուած է 1858 թուականին Վենետիկի մէջ, կաշեկազմ պահարանի մը մէջ դրուած:

Այս երկու հնատիպ գիրքերն ալ լաւ վիճակի մէջ են եւ ունին բազմաթիւ զարդանկարներ:

Ս. Վարդան Մայր Տաճարի Թանգարանը, որուն հաւաքածոյին մաս կը կազմեն ձեռագիր մատեաններ, հնատիպ գիրքեր, յախճապակիներ, հին ոսկեղէններ, քանդակներ, իւղանկարներ եւ գորգեր, իրական գանձարան մըն է հայ ժողովուրդի մշակոյթի ու պատմութեան պատկանող արժէքաւոր իրերու: Թանգարան այցելած են բազմաթիւ անձեր աշխարհի ամէն կողմերէն եւ իրենց հիացումը արտայայտած են այնտեղ ցուցադրուած իրերուն մասին:

Վերջերս Ս. Վարդան Մայր Տաճարի Թանգարանին մէջ ցուցադրութեան դրուած են հայկական նուրբ ասեղնագործութիւններ, որոնց մասին զնահատական գրութիւններ հրատարակուած են:

ԴԻԻԱՆ ԱՌԱՋՆՈՐԴԱՐԱՆԻ

Փետրուար 27, 1980
Նիւ Եորք, Ն.Ե.